

PODSJETNIK ZA DOBROVOLJNO PLAĆANJE OBAVEZA

Uprava za indirektno oporezivanje usvojila je servisno orijentisan odnos prema poreskim obveznicima, osiguravajući da imaju punu podršku u ostvarenju prava i pravovremene informacije o ispunjenju obaveza.

Cilj UIO je postizanje visoke stope dobrovoljnog blagovremenog plaćanja poreskih obaveza i snižavanje troškova naplate kako za UIO tako i za poreskog dužnika primjenom adekvatnih mjera pogodnih za postizanje zadatog cilja.

Kako bismo postigli zajednički cilj dobrovoljno plaćanje poreskih obaveza, neophodno je pridržavati se propisa o indirektnom oporezivanju. Odredbom člana 33. stav (2) Zakona o postupku indirektnog oporezivanja („Službeni glasnik BiH“, br. 89/05 i 100/13) određeno je da se dobrovoljna plaćanja iznosa indirektnog poreza koja proizilaze iz razreza izvršenog od strane UIO vrše do 15. u mjesecu nakon isteka mjeseca u kojem je izvršen razrez, to jest od kada je prijedlog razreza postao konačan. Plaćanje iznosa indirektnih poreza koji proizilaze iz razreza vrše se na propisani račun i način, u skladu sa Pravilnikom o uplaćivanju indirektnih poreza i ostalih prihoda i taksi koje naplaćuje UIO („Službeni glasnik BiH“, broj: 4/18).

Poreski obveznik kojem je kontrolom utvrđen dodatni razrez, dužan je obračunati i uplatiti zateznu kamatu po stopi od 0,04 % za svaki dan zakašnjenja, na iznos obaveze za svaki porezni period utvrđen rješenjem, i to od narednog dana od isteka roka kada je utvrđeni iznos trebao biti plaćen do dana namirenja obaveza, shodno odredbi člana 10. Zakona o postupku indirektnog oporezivanja.

Ukoliko poreski obveznik kojem je utvrđen dodatni razrez ne izmiri obavezu u roku, naredni dan od dana isteka roka (16.-tog u mjesecu), pokreće se postupak prinudne naplate.

Postupak prinudne naplate i njegove proceduralne mjere pokreću se i vrše po službenoj dužnosti a postupak počinje kada se dužniku uruči nalog za prinudnu naplatu koji ima istu pravnu snagu kao rješenje o izvršenju koje donosi sud, kako je to propisano članom 5. stav 4. i članom 11. stav 1. i 2. Zakona o postupku prinudne naplate indirektnih poreza („Službeni glasnik BiH“, br. 89/05 i 62/11). Pokretanje postupka prinudne naplate povlači potraživanje naknadnog tereta prinude (5% od dužnog iznosa) kako je i propisano odredbom člana 11. Zakona o postupku indirektnog oporezivanja.

Nakon pokretanja postupka prinudne naplate, i neizmirivanja obaveza u dobrovoljnom periodu (10 dana od dana prijema naloga za prinudnu naplatu), grupe za prinudnu naplatu kao organizacione jedinice UIO nadležne da provode postupak, vrše pljenidbu imovine i prava dužnika, shodno članu 13. Zakona o postupku prinudne naplate indirektnih poreza.

Poreski obveznik ima pravo da podnese zahtjev za odgođeno plaćanje ili plaćanje duga u ratama u redovnom periodu plaćanja (do 15.-tog u mjesecu nakon isteka mjeseca u kojem je izvršen razrez) kao i u periodu prinudne naplate, u skladu sa pravilima propisanim Pravilnikom o provođenju Zakona o postupku prinudne naplate indirektnih poreza („Službeni glasnik BiH“ broj: 27/12).

Zavisno od visine utvrđenih obaveza razlikuju se i uslovi pod kojim se može odobrite odgođeno plaćanje odnosno plaćanje duga u ratama.